

# حلقة 1 - مولد الرسول عليه السلام

كان ياما كان ... و ما يجلي الكلام غير بذكر النبي

عليه الصلاة و السلام

الولاد الحلوين يقولوا إيه ؟

مين يا أولاد أحسن واحد في الدنيا ؟ ... سيدنا محمد سيدنا محمد ... هو اللي ربنا  
اختاره عشان يعلمنا الصح و الغلط ... و الحلال و الحرام

عليه الصلاة و السلام ... ممتازين

واللي هيحب سيدنا محمد و يسمع الكلام اللي ربنا علمه لسيدنا محمد ... ربنا هيحبه  
... و هيدخله الجنة . و الجنة دي أحلي مكان ... اللي فيه كل حاجة و أي حاجة  
احنا عاوزينها ... ومهما فكرنا في الجنة... الجنة برضه هتبقى أحلي من تفكيرنا

ربنا اختار سيدنا محمد عشان يعلمنا الأعمال الطيبة و الأخلاق الجميلة . و يعلمنا ديننا  
الإسلام

كان زمان زمان زمان ... سيدنا ابراهيم بيبي الكعبة و معاه ابنه اسماعيل ... سيدنا ابراهيم  
و هو بيبي الكعبة ... و قف يدعي ربنا ... إنه بيعت للناس ... واحد ... رسول ...  
يعلمهم الصبح و الغلط و الحلال و الحرام ... عشان يخليهم ناس كويسين و طيبين و  
بيعملوا الخير ... فربنا أستجاب الدعاء ... و اختار سيدنا محمد ... إنه يكون المعلم ...  
اللي يعلم كل الناس أوامر ربنا

أبو سيدنا محمد كان اسمه ايه ؟

### عبد الله ابن عبد المطلب

( لازم الطفل يردد )

و مامته كان اسمها ايه ؟


### آمنة بنت وهب

( خليه يقول وراكي )

سيدنا محمد لما كان لسه جوة بطن مامته ... باباه عبد الله مات 😞 ... و مكنش  
شافه لأنه مكنش لسه أتولد ... عارفين سيدنا محمد أتولد إمتي؟؟ ... أتولد عام الفيل

يعني في نفس السنة اللي أبرهة الشرير كان عايز يهدم الكعبة بالفيل الضخم ... بس  
ربنا عاقبه و كل الجنود الأشرار اللي كانوا معاه ... و مقدرش يكسر الكعبة

جده قال ... أنا هسميه محمد !!!! ... فالناس سألته : يعني إيه محمد !!؟ ... قالمهم  
يعني ربنا في السماء يحبه و يجب أخلاقه الجميله ... و الناس في الأرض تحبه و تحب  
أخلاقه الجميلة 

أول لما مامته ( **آمنة بنت وهب** ) ولدته ندهت علي جده ... أبو باباه ... اسمه **عبد  
المطلب** ... شافه ... لقاها طفل شكله جميل أوي ... فمامة سيدنا محمد قالت لجده ...  
أنا أما كنت بنام كنت بحلم حلم جميل أوي ... كنت بشوف نور بيخرج من جسمي  
... و بينور الدنيا كلها 

فجده فرح أوي و حس إن الطفل ده هيبقي مش طفل عادي ... و انه لما يكبر هيعلم  
الدنيا كلها و هيخلي الناس تشوف الحاجات الصح زي النور اللي بيخلينا نشوف كل  
حاجة في حياتنا

## حلقة 2 - مرضعه الرسول عليه السلام

كان يا ما كان ... و ما يحلي الكلام غير بذكر النبي عليه الصلاة و السلام الولاد  
الممتازين يقولوا ابييييه ؟

### عليه الصلاة و السلام

تمااااام !

دلوقتي سيدنا محمد لسه مولود ... و الناس زمان أول لما يتولد طفل جديد ... كانوا  
يودوه يعيش في مكان اسمه البادية ... البادية دي مكان واسع وجميل و نضيف ... و  
اللي يروح هناك جسمه بيقي قوي و بيكبر و صحته بتبقي حلوة

و كانت بتيجي مرضعات ياخدوا الأطفال معاهم للبادية و يرضعوهم لبن عشان  
يكبروا ... جت مرضعات كتير ... ووقفوا يسألوا الناس : حد عنده طفل صغير ناخده  
معانا البادية و نرضعه لبن عشان يكبر؟؟؟ الناس يقولوا ليهم أيوة إحنا عندنا طفل أهو  
خدوه معاكم للبادية ... فياخدوه معاهم



الضعيف بتاعها عشان تروح بيه البادية ... لقيته بقي أقوي ... و بقي يعرف يمشي  
بسرعة ... و المرضعات التانيين اللي معاه بقوا مستغربين !! و يقولوا إزاي الحمار  
البطيء بقي قوي جدا

لغاية لما وصلوا البادية ... حليلة كانت عايشة في بيت في مكان اسمه ... ديار بني سعد  
... و كان عندها أرض ... بس السنة دي كانت أرضها ما فيهاش زرع و مائة ... بس  
العجيب إن أول لما وصلت ... و معاه سيدنا محمد ... الدنيا مطرت .... و الزرع  
الجميل طلع .... و بقت أرضها جميلة

حليلة قعدت تفكر الطفل ده أول لما جبته معايا ... حصل حاجات حلوة كثير ...  
الطفل فيه بركة ... بتخلي كل حاجة حواليه جميلة ... فبقت حليلة فرحانة أوي بسيدنا  
محمد

و كبر سيدنا محمد في البادية لغاية لما بقي عنده سنتين ... و بقي جسمه قوي ... و  
أقوي كمان من الأطفال اللي قده ... فكده خلاص كبر ولازم حليلة ترجعه لأمه  
بس حليلة كانت بتحب محمد عليه الصلاة و السلام ... و عايزاه يقعد معاها وقت  
أطول

فراحت حليلة لأم سيدنا محمد ... و قالتها : ممكن تسيبي محمد يفضل معايا شوية  
كمان ؟ البادية مكان جميل و جوها حلو و ممكن لو رجعت يتعب ... خليه معايا حبة

كمان . و فضلت تتحايل علي مامته ... ( آمنة بنت وهب ) لغاية لما مامته وافقت ...  
و رجع سيدنا محمد مع حليلة للبادية .... (ملكان بيتها ... **ديار بني سعد**)

بس هتحصل مفاجأة هنعكيها الحلقة الجاية